

(ciep geiz gonq)

“Yienghneix gou mbouj bae lo, ce sam cien lai maenz gvaqlaeng yungh lij ndei gvaq.” Buzsam naeuz.

Bae roxnaeuz mbouj bae cungj nanz, mbouj bae, vunzmbanj gaenq rox liux lo, bae le, lwglan youh deng sai baenzlai ngaenz. Buzsam sim luenhsaeb.

Raen Buzsam dungxmboek, nangzbawx couh riu dwk nai de naeuz: “Daxmeh, mbouj yungh you, cienx neix dou ok ndaej, caiq gangj seizneix fanh maenz ngaenz gaenq mbouj suenq hung lai lo, mwngz couh onjsim bae youz ba!”

“.....”

“Dwg ha, daxbuz, miz haujlai vunz ndangdaej mbouj ndei, miz ngaenz cungj bae mbouj ndaej bw.” Daeglan hix got Buzsam naeuz.

Lwglan gangj ndei gangj rwix, Buzsam sim’in vanz sim’in, lij doengzeiq bae youz lo.

Youz aen singhgiz ndeu, cawz liux naengh ci, couhwdg ganj seizgan byaij loh, youz gizneix lij caengz yawj gaeuq, youh ganj bae youz gizwnq lo, gaenjgip dangqmaz, Buzsam rox sinhoj lai, caeux couh maqmuengh vaiq di dauqma lo.

Dauqdaej dauq daengz ranz lan lo, Buzsam faencung ndeu hix mbouj siengj caj, seizneix cij roxninh ranzlaux lajmbanj ceiq ndeiyouq, ceiq cwxcaih.

Buzsam baez dauq daengz ranz, couh dawz gijgwn gij doxgaiq youq Baekging cawx ma haenx fat hawj gyoengq baengzyoux de, gyoengq baengzyoux de daegbied maij haiz-baengz baiz “laux Baekging” haenx, gyoengqde riuhaa, lij dawz haizbaengz daenj haeuj din bae cim bae cim dauq dem, ndaw ranz Buzsam lumj gwnzhaw nei nauhyied dangqmaz.

Ngoenz daihngaih, gyoengq

sawcuenh dinj

Goj Buzsam

三奶奶的故事

□Luz Vanjcinh/陆婉珍



Ranzmbanj Gyaunde

mehlaux youh comz youq laj gofaex-rungz laux ganggij lo.

“Buzsam, baezneix bae Baekging ndaej raen gijmaz, gwn gijmaz lai, lwnh dou nyi vei, hawj dou swiqswiq rwz cungj ndei ha?” Mehngux baklai, bingzseiz maij ra vah gangjriu.

Buzsam mizyinx dwk gangj hwnjdaej: “Ndei youz dwg ndei youz, hoeng bouxvunz ndang ndeindi’ ndi ndeu bae youz dauqma couh lumj fatbingh naek nei hojsouh, dan naengh ci hix gaeuq sinhoj lo, gou ngunh ci, rueg daengz dungxsaej yaek fan bae!”

“Gangj daengz naengh feihgih, raemx, mid hung mid iq cungj mbouj ndaej daiq hwnj feihgih, boux vunz ndeu ndaej daiq geijlai gaen doxgaiq cungj miz gvidingh, seizhaenx gou ngeizvaeg dangqmaz, hix sim’in dahraix, haujlai doxgaiq cungj ngaiz ‘gyau’ liux bae, doeklaeng cij rox, gij doxgaiq lai haenx laxlawz dwg cuengq youq ligh aen cang hane, roengz feihgih le vunz hawj dauq raeuz.”

“Daengz Baekging le, dou geij cib boux vunz cungj ngaiz “gai” hawj lijyouzdonz liux bae, boux daujyouz

bae gizlawz, raeuz couh deng gaen bae gizhaenx. Daeglan naeuz gou nyi: Dou geij cib boux vunz caen dwg ngaiz ‘gai’ hawj lijyouzdonz liux lo. Gou caen lau dou mbouj ndaej cuengq dauqranz ne, daengz gyoengq boux-daujyouz soengq dou hwnj ci dauqranz le gou cij cuengqsim.”

“Gangj daengz gij gwndaenj, vunz ndawsingz Baekging yienznaeuz gig miz cienx, hoeng mbaetgwn lai, donq neix gwn mienh, donq haenx gwn gaugyaeq, cungj sij mbouj ndaej ceuj byaek gwn. Gyoengq vunz ndawsingz daenj buhvaq cungj mbouj baenz yawj, gyoengq lwgsau daenj buh dinj ndaej cij cw daengz buenq aenndang, aen saejndw vang rae h cungj raen liux, mbouj rox gyoengqde dwg mbouj dwg launyaenq.”

“Gangj daengz gij gaicawx engq ndeiri lo, aen laeuz geij cib caengz, ndawde boux bae boux dauq doenghyubyub, hoeng cungj mbouj raen miz dou haeuj ok, lumj mbouj siengj guh seng’eiq nei.”

“Byaij haeuj ndaw laeuz, baihdaw gig hung, gij haiz, gij buh, gij gwn.....yienghyiengh cungj dwg baenz caengz baenz caengz baij, byaij gvaengz ndaw couh mbouj rox baihdoung baihsae, mbouj rox bakdou youq baih lawz lo, mbouj lumj dieg raeuz, gwnzhaw huq rim gai venj youq baihrog, siengj cawx gijmaz, youq giz gyae’gyang couh yawj ndaej dawz.”

“Gangj gij dieg ceiq ndei youz, youq Baekging ceiq yinxdaeuz dwg Gugungh caeuq Cangzcwnz lo.....”

Buzsam lwnh ndaej roenx-foedfoed, gyoengq vunz dingq ndaej maezmyiegmyieg, rumzliengz cifefe, gyoengq mehlaux daxbuz lumj caenndang bae youz Baekging nei, bouxboux gamjdaengz gig vaiqvued.

(sat)

De haucau daengx gih gak gaep gihgvanh, swngchcanjdui, bingdoih, hagdangz, giyez caeuq danhvih saehnieb, sam bi ndawde, youq gij dieg ndaej ndaem faex baihhenz danhvih haenx ndaem doh faex bae, doengzseiz cienzbouh dauqndeij gij diegriz raemjbag, diegriz feiz coemh haenx hwnjdaej, hawj gyoengqde dauqfuk yienghgaeuq. Cawz vunzgeq, lwgnyez, vunzbingh le, sojmiz gij ganbu, vunzhong, hagseng, bouxbing, vunzyouq singzcin, vunzvunz bibi cungj aeu camgya ndaem faex cauh ndoeng, caemhcaiq baujcingq ndaem ndaej lix. Guh baenz vunzvunz ndaem faex, vunzvunz gyaex faex, gaemhong daengzdaej.

Doengzbi ndwen 12, hai Gvangjsih Bouxcuengh Swcigh Daih Ngeih Gaiq Lwgminz Daihyauj Daihhoih Baez Hoih Daih It, Veiz Gozcingh daihyauj Swcigh Lwgminz

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□Hoz Saubangj sij Cinz Siengzcouh Liuz Gingliuj Cinz Siengzgen hoiz

Veijyenzei guh hong cwngefuj baugau, de youh dangq ndaem faex cauh ndoeng dwg “gij cosih canloz gaenbonj gaijbienq diuzgienh swyienz Guengjsae haenx” daez okdaej, hawj hoihhung saemjaeng le guh ok gietdingh, haucau daengx gih gak cuz yinzminz yungh “goengngawz senj bya” dingz cingsaenz neix, genhciz roengzrengz, ceng ndaej youq duenh seizgan mbouj daiq nanz haenx ndawde, guhbaenz aen yinvu loegvaq

Guengjsae raeuz.

Daj neix hwnj, daj gwnz daengz laj daengx gih cungj hengzdoengh hwnjdaej lo, haemq vaiq daengx-cungq vunz lai cix guh ndaej hoenghhdwd.

Bi 1964 ndwen 1, Namzningz Si daj ngoenz 14 daengz ngoenz 19, 6 ngoenz cix okdoengh 8 fanh vunz, faenbied bae daengz gij henzroen Roen Yunghningz, Roen Youjyiz, Roen Sihyanghdangz haenx caeuq gij

ndoifwz Ndoiduzfungh, Ndoisienseng haenx vat gumz ndaem faex. Gveilnz, Liujcouh, Vuzcouh caeuq gij digih, si, yienh, caemh okyienh gvaq gij hozdung vunz lai gag ndaem faex cauh ndoeng haenx.

Gvaqlaeng, bibi seizcin, youz goengdaeuz guhdaeuz bae ndaem faex cauh ndoeng baenz le hangh cidu ndeu.

(caengz sat)